

## Concello de Ponteareas

### ANUNCIO

O Sr. alcalde de Ponteareas, D. Xosé Represas Giráldez, na resolución número 2020-1437 de data 21 de maio de 2020, acordou Prestar aprobación as **“Bases reguladoras de subvencións dirixidas ás entidades veciñais do concello de ponteareas para o ano 2020”** en réxime de concorrencia competitiva tal como figuran redactadas. Publicar a convocatoria no Boletín Oficial da Provincia (BOP) a través da Base de Datos Nacional de Subvencións (BDNS), así como Publicar as Bases e Formularios no Taboleiro de anuncios municipal e na páxina web do Concello. Ante a situación de emerxencia de saúde pública e pandemia internacional polo que se declara o estado de alarma para a xestión da crise sanitaria ocasionada pola COVID-19 esta publicación terá como obxecto que as posibles persoas interesadas vaian adiantando trámites. Neste suposto, os prazos administrativos entrarán a computar cando se levante o estado de alarma.

**O prazo de admisión de solicitudes será de 20 días naturais contado a partir do día seguinte ao do levantamento do estado de alarma.**

Estas axudas rexiranse polas seguintes:

**BASES REGULADORAS DE SUBVENCIÓNS PARA INVESTIMENTOS DESTINADA A COLECTIVOS DE INTERESE VECIÑAL (ASOCIACIÓNS VECIÑAIS, ASOCIACIÓNS CULTURAIAS, COMUNIDADES DE MONTES E REGANTES 2020).**

#### Artigo 1. Obxecto e beneficiarios

1. As subvencións reguladas por estas bases teñen por obxecto o outorgamento de axudas para investimentos destinadas ás entidades a que se refire o número 3 deste artigo, coa finalidade de contribuír a mellorar a calidade da vida local e fomentar e dinamizar o asociacionismo veciñal.
2. O procedemento de concesión destas subvencións tramítase mediante o réxime de concorrencia competitiva, de acordo co establecido na Lei 9/2007, do 13 de xuño, de subvenciones de Galicia, de acordo co artigo 19.1.
3. Poderán ser beneficiarias das subvencións convocadas as asociacións veciñais, culturais, regantes e Comunidade de montes debidamente inscritas no rexistro público correspondente para a realización de investimentos, tanto de obra como de equipamentos, en inmobles da súa titularidade ou dos que lles corresponda o dereito de uso, camiños veciñais, etc. e coa finalidade de mellorar a prestación dos servizos de interese veciñal análogos aos encadrados como servizos básicos municipais na lexislación básica de réxime local, mediante un mellor aproveitamento dos recursos dispoñibles, contribuíndo deste xeito a satisfacer as necesidades e aspiracións da



## Concello de Ponteareas

---

veciñanza.

4. As entidades deberán estar, en todo caso, debidamente inscritas no correspondente rexistro de asociacións da Comunidade Autónoma de Galicia (central ou provincial) dependentes da Vicepresidencia e Consellería de Presidencia, Administracións Públicas e Xustiza ou no rexistro da Confederación Hidrográfica do Miño-Sil, conter na súa denominación a identificación como asociación veciñal, cultural ou regantes e ter actualizados no rexistro, ou comunicado ao mesmo, os datos de composición da xunta directiva e estatutos da entidade.

No suposto das comunidades de Montes deberán estar inscritas no libro de rexistro de Montes veciñais en máñ común nos servizos provinciais de Montes da Consellería de Medio Rural.

5. Non se atenderán as solicitudes das entidades non inscritas na data en que remate o prazo de presentación de solicitudes.

Non poderán acollese a esta convocatoria ás que contén con subvencións nominativas do Concello de Ponteareas no presente ano 2020, as comunidades de usuarios de traídas veciñais de auga e as entidades deportivas que poideran acollese ás súas convocatoria específicas, así como as asociacións que foran beneficiarias no presente ano 2020 doutras axudas municipais, cultura, entidades de interese social, etc.

### Artigo 2. Crédito

1. As subvencións reguladas ao abeiro desta convocatoria faranse efectivas con cargo á aplicación orzamentaria 15320/4802098, ata un importe máximo dez mil euros (10.000 €), correspondente aos orzamentos xerais do concello de Ponteareas para o ano 2020.

2. A axuda económica que se conceda poderá acadar ata o 80% do investimento realizado cun límite máximo por entidade de 3.000 euros para a realización de obras e de 1.500 euros para dotación de equipamentos, ata o esgotamento do crédito a que se refire o punto anterior.

. Esta convocatoria tramítase ao abeiro do artigo 25.1.a) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, como expediente anticipado de gasto, e existe crédito suficiente previsto no proxecto de orzamentos da Concello de Ponteareas para o exercicio 2020.

Ao abeiro desta normativa, o crédito previsto no número 1 deste artigo e, xa que logo, a concesión das subvencións, queda sometido á condición suspensiva de existencia de crédito adecuado e suficiente no exercicio 2020 para financiar as obrigas derivadas da convocatoria.



## Concello de Ponteareas

---

### Artigo 3. Destino das subvencións

Poderán ser obxecto de subvención os gastos ocasionados como consecuencia de investimentos realizados en inmobles de titularidade veciñal ou sobre os que a entidade solicitante ten un dereito de uso por convenio ou por calquera outro título, así como equipamentos necesarios para o seu funcionamento, todos eles vinculados a acadar una eficaz prestación dos servizos de interese veciñal análogos aos encadrados como servizos básicos municipais na lexislación de réxime local e mellora da vida local no Concello Ponteareas, incluídos os camiños veciñais, levadas de regadío comunitario e dos espazos comúns en fontes, muíños, lavadoiros, cemiterios, etc

-As Comunidades de Montes non poderán solicitar actuacións propias da súa actividade, só poderan solicitar para actividades en espazos para disfrute dos veciños como merendeiros, parques, etc...

### Artigo 4. Iniciación e prazo de presentación de solicitudes

A solicitude será presentada en formato electrónico (segundo modelo do ANEXO 1) e deberá presentarse a través da sede electrónica do Concello <https://www.ponteareas.gal>, só se poderá presentar unha solicitude por titular (si se presentan máis, só se valorará a primeira).

No caso de presentar a solicitude de forma presencial, requirirase a súa emenda mediante a presentación electrónica. Para estes efectos, considerarase como data de presentación da solicitude aquela na que se realizase a emenda.

Ante a situación de emerxencia de saúde pública e pandemia internacional, o Goberno aprobou na disposicional adicional terceira do Real decreto 463/2020, de 14 de marzo, polo que se declara o estado de alarma para a xestión da crise sanitaria ocasionada pola COVID-19, modificado en parte polo Real decreto 465/2020, de 17 de marzo, a suspensión e interrupción dos prazos para a tramitación dos procedementos das entidades do sector público e, por conseguinte, no Concello de Ponteareas. Polo que esta convocatoria será obxecto de publicación no Boletín Oficial da Provincia (BOP) a través da Base de Datos Nacional de Subvencións (BDNS) a meros efectos informativos. Esta publicación terá como obxecto que as posibles persoas interesadas vaian adiantando trámites. Neste suposto, os prazos administrativos entrarán a computar cando se levante o estado de alarma. Os modelos de solicitude e os correspondentes anexos, estarán dispoñibles no taboleiro do Concello de Ponteareas e na web: [www.ponteareas.gal](http://www.ponteareas.gal).

**Deste xeito o prazo de presentación de solicitudes será de 20 días naturais contado a partir do día seguinte ao do levantamento do estado de alarma.**



## Concello de Ponteareas

---

1. As entidades que desexen acollerse aos beneficios desta convocatoria presentarán solicitude dirixida á Concelleira de Vías, Obras e Alumado segundo o modelo que figura como anexo I a esta convocatoria

2. A presentación das solicitudes realizarase por medios electrónicos a través do formulario normalizado dispoñible no Concello de Ponteareas e na web: [www.ponteareas.gal](http://www.ponteareas.gal).

En caso de presentala mediante un representante terá que outorgarse poder APUD-ACTA ante o Secretario municipal e só se poderá presentar unha solicitude por titular (si se presentan máis, só se valorará a primeira).

3. A documentación complementaria deberá presentarse electrónicamente. As persoas interesadas responsabilizaranse da veracidade dos documentos que presenten. A Administración poderá requirir a exhibición do documento orixinal para o cotexo da copia electrónica presentada.

4. Sempre que se realice a presentación de documentos separadamente da solicitude deberase indicar o número de rexistro de entrada da solicitude e o número de expediente, se dispón del.

5. No caso de que algún dos documentos que se van presentar de forma electrónica supere os tamaños máximos establecidos pola sede electrónica ou teña un formato non admitido pola sede electrónica do concello de Ponteareas, permitirase a presentación deste de forma presencial dentro dos prazos previstos. A información actualizada sobre o tamaño máximo e os formatos admitidos pode consultarse na sede electrónica do concello de Ponteareas.

6. A entidade solicitante deberá adxuntar á solicitude a seguinte documentación:

a) Copia compulsada do NIF da entidade solicitante e dos seus Estatutos cotexados (adaptados á Lei orgánica 1/2002, do 22 de marzo.)

b) Memoria explicativa do investimento a realizar que será asinada polo representante da entidade, na cal se fará constar a data, e que irá acompañada dun esbozo de situación. Cando se trate de obras de reforma ou ampliación de instalacións ou edificacións existentes deberán incluírse entre a documentación fotografías que evidencien a situación da instalación antes da execución da obra.

c) Orzamento do investimento ou da adquisición que se vai realizar, que deberá describir con claridade conceptos e cantidades e o seu prezo unitario. O orzamento, no cal se fará constar a data e que será asinado polo representante da entidade, debe



## Concello de Ponteareas

---

aplicar o IVE do 21 % ou o tipo vixente. Só será subvencionable o IVE que non sexa deducible, e deberá sinalar expresamente a entidade esta circunstancia (se o IVE é deducible ou non) na solicitude.

d) Certificación do órgano competente en que se aproba participar nesta convocatoria de subvencións e do nomeamento do representante para as súas relación co concello de Ponteareas, emitida no modelo do anexo IV.

e) Declaración do representante da entidade de non estar incurso en causas de incompatibilidade para contratar e percibir subvencións da Administración pública e de aceptación das bases da convocatoria, incluída no anexo II da presente convocatoria.

f) Declaración do conxunto de todas as axudas solicitadas ou concedidas que financien o investimento que se vai subvencionar e compromiso de comunicarlle ao Concello de Ponteareas as que obteñan nun futuro, incluída no anexo II da presente convocatoria.

A presentación da solicitude de concesión de subvención pola persoa interesada comportará a autorización ao órgano xestor para solicitar as certificacións que deban emitir a Axencia Estatal da Administración Tributaria, a Tesouraría Xeral da Seguridade Social e a consellería competente en materia de facenda da Xunta de Galicia, segundo o establecido no artigo 20.3 da Lei 9/2007, do 13 de xuño, de subvencións de Galicia. Non obstante, a persoa solicitante ou representante poderá denegar expresamente o consentimento, caso en que deberá presentar as certificacións nos termos previstos regulamentariamente.

g) Autorizacións sectoriais no caso de ser necesario. (Patrimonio, Estradas, Confederación...)

8. O defecto nas solicitudes seralles notificado ás persoas interesadas polo Concello de Ponteareas e, de conformidade co previsto no artigo 20.5 da Lei 9/2007, do 13 de xuño, de subvencións de Galicia, daráselles un prazo máximo e improrrogable de dez días para emendar os erros ou omisións da **documentación obligatoria** con indicación de que, de non facelo así, se lles terá por desistidos da súa petición, logo da resolución que deberá ditarse nos termos do artigo 21 da Lei 39/2015, do 1 de outubro, do procedemento administrativo común das administracións públicas.

Nestes casos, o crédito inicialmente asignado ás ditas solicitudes destinarase ás seguintes, respectando a orde de prelación.

### Artigo 5. Instrucción, Comisión de valoración e criterios de valoración

1. En aplicación dos principios de eficacia e eficiencia na asignación e utilización dos recursos públicos establecidos na Lei de subvencións de Galicia e sendo unha convocatoria de subvencións en concorrencia competitiva, unha vez revisadas as solicitudes e as emendas feitas, aqueles expedientes administrativos que reúnan todos



## Concello de Ponteareas

---

os requisitos e a documentación necesaria, serán remitidos á comisión encargada da súa valoración, de acordo co establecido no seguinte punto.

### **2.Comisión de valoración**

a) A comisión de valoración será o órgano colexiado encargado de valorar as solicitudes de acordo cos criterios obxectivos fixados neste artigo seguinte, así como de propoñer a concesión ou denegación das subvencións aos interesados.

b) A composición da comisión de valoración será a seguinte:

– Presidente: O Alcalde-Presidente do Concello de Ponteareas, ou concelleira/o en quen delegue.

– Vogais: Un técnico ou persoal adscrito ao departamento de urbanismo/oficina técnica.

Un técnico ou persoal adscrito ao departamento de Intervención.

Unha persoa funcionaria (con voz e sen voto) que actuará como secretaria da

Comisión Avaliadora.

c) Na proposta de concesión que formule a comisión figurarán de xeito individualizado as entidades solicitantes propostas para obter a subvención, e especificarase a avaliación que lles corresponde segundo os criterios recollidos no punto seguinte. Así mesmo, indicarse o importe da subvención para cada un deles, ata esgotar o crédito dispoñible.

d) O resto das actuacións subvencionables quedarán en reserva para seren atendidas ben co crédito que quedase libre de producirse algunha renuncia ou modificación nos proxectos inicialmente subvencionados, ben coa ampliación dos créditos orzamentarios destinados a esta subvención de acordo co establecido no artigo 30.2 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia. Para estes efectos, poderán realizarse sucesivas propostas de resolución conforme o sinalado neste artigo.

e) A comisión de valoración constituirase na sede do Concello de Ponteareas. O seu funcionamento rexerese polo disposto na Sección 3ª, do capítulo I, do título I da Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

f). A Comisión de valoración elevará a proposta de concesión ao Alcalde, quen resolverá.



### **3.Criterios de valoración:**

1. Os proxectos ou actuacións que se presenten deberán ser técnica e financeiramente viables e os criterios de avaliación, que servirán de base para a determinación da preferencia na concesión das subvencións, serán os seguintes:

a) O número de membros das asociacións, comuneiros da comunidade de Montes ou regantes que se baremará do seguinte xeito:

– Máis de 200: 6 puntos.

– de 101 a 199: 4 puntos.

– de 50 a 100: 3 puntos.

– de 1 a 49: 1 punto.

b) O número de habitantes beneficiarios directos do investimento por poboación da parroquia:

– Máis de 300: 6 puntos.

– de 151 a 299: 5 puntos.

– de 50 a 150: 4 puntos.

– de 1 a 49: 3 puntos.

c) Valorarase o número de obxetivos de desenvolvemento sostible, Agenda 2030, da actuación.

– Cada obxectivo 1 punto, ata un máximo de 6

d) A finalidade do investimento:

– Proxectos e actuacións para mellorar os espazos públicos: 6 puntos

– Actuacións de mellora de presas, limpeza de mananciais e levadas de regadío comunitario: 4 puntos.

– Actuacións de adecentamento das fontes, muíños, lavadoiros, cemiterios, etc.: 3 puntos

### **Artigo 6. Resolución, notificación e modificación**



## Concello de Ponteareas

---

1. O prazo máximo para a resolver e notificar os procedementos iniciados en virtude desta convocatoria será de 15 días, contado a partir da finalización do prazo de presentación de solicitudes.
2. Será causa de denegación de concesión da subvención o esgotamento do crédito consignado para estes efectos na partida orzamentaria fixada no artigo dous da presente convocatoria.
3. As notificacións de resolucións e actos administrativos practicaranse prioritariamente por medios electrónicos, nos termos previstos na normativa reguladora do procedemento administrativo común.
4. As notificacións por medios electrónicos entenderanse practicadas no momento en que se produza o acceso ao seu contido. Cando a notificación por medios electrónicos sexa de carácter obrigatorio, ou fose expresamente elixida polo interesado, entenderase rexeitada cando transcorresen dez días naturais desde a posta á disposición da notificación sen que se acceda ao seu contido.
5. Se o envío da notificación electrónica non é posible por problemas técnicos, o Concello de Ponteareas practicará a notificación polos medios previstos na normativa reguladora do procedemento administrativo común.
6. Segundo o establecido no artigo 23.5 da Lei 9/2007, do 13 de xuño, de subvencións de Galicia, o vencemento do prazo máximo sen que sexa notificada a resolución lexitima os interesados para entender desestimada por silencio administrativo a solicitude de concesión da subvención.
7. Contra a resolución as entidades interesadas poderán interpoñer recurso potestativo de reposición ante a persoa titular do Concello de Ponteareas, no prazo dun mes contado a partir do día seguinte ao da súa notificación, segundo o disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou ben directamente recurso contencioso-administrativo.
8. O órgano competente para a concesión destas axudas poderá acordar a modificación da resolución por instancia do beneficiario, debendo cumprirse, en todo caso, os requisitos recollidos no artigo 35 do Decreto 11/2009, do 8 de xaneiro, polo que se aproban o Regulamento da Lei 9/2007, do 13 de xuño, de subvencións de Galicia.

### Artigo 7. Aceptación

1. O representante da entidade beneficiaria disporá dun prazo de dez días, contados a partir do día seguinte ao da notificación da resolución, para comunicar a aceptación da subvención e das condicións contidas nela, ou ben comunicar a renuncia á subvención concedida.





## Concello de Ponteareas

---

2. Transcorrido o prazo sen que se produza manifestación expresa, entenderase tacitamente aceptada a subvención.

3. As entidades beneficiarias das subvencións, unha vez aceptadas estas, quedarán obrigadas a destinar os fondos percibidos ao obxecto concreto para o cal foron concedidas.

4. O Concello de Ponteareas poderá comprobar, cando o considere conveniente, a execución dos proxectos subvencionados.

### Artigo 8. Obrigas dos beneficiarios

Sen prexuízo das demais obrigas establecidas no artigo 11 da Lei 9/2007, do 13 de xuño, os beneficiarios das axudas concedidas ao abeiro desta convocatoria quedan obrigados a:

a) Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.

b) Xustificar ante o órgano concedente o cumprimento da finalidade da subvención, a realización da actividade ou adopción do comportamento que fundamentou a súa concesión e o seu custo real.

c) Destinar os fondos percibidos ao obxecto concreto para o cal foron concedidos e realizar as actuacións que integran o proxecto subvencionado, segundo o estipulado no artigo 41 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

d) Proceder ao reintegro, total ou parcial, das cantidades percibidas, se as houber, xunto cos xuros de demora correspondentes, segundo o procedemento establecido no artigo 38 da Lei de subvencións de Galicia, nos seguintes supostos:

1. Incumprimento das condicións establecidas para a concesión da subvención.

2. Incumprimento da obriga de xustificar o pagamento nos termos establecidos no artigo 9 desta convocatoria.

3. Incumprimento da obriga de destinar os bens ao fin concreto para o cal se concedeu a subvención, durante un período mínimo de cinco anos.

4. Incumprimento das obrigas establecidas nos artigos 11 e 15 da Lei 9/2007, do 13 de xuño, de subvencións de Galicia, así como nos supostos establecidos no artigo 33 desta mesma lei e/ou calquera outro que resulte da normativa aplicable.

e) Destinar os bens ao fin concreto para o cal se concede esta subvención durante un



## Concello de Ponteareas

---

período mínimo de cinco anos e proceder ao reintegro das cantidades percibidas no caso de incumprimento desta obriga. A axuda só será definitiva se non sofre antes de transcorridos cinco anos do seu remate unha modificación que afecte a natureza do investimento.

f) Comunicarlle ao órgano concedente a obtención de subvencións, axudas, ingresos ou recursos que financien as actividades subvencionadas. Esta comunicación deberá efectuarse tan axiña como se coñeza e, en todo caso, con anterioridade á xustificación da aplicación dada aos fondos percibidos.

g) Consentir expresamente a inclusión dos datos relevantes da subvención nos rexistros públicos que proceda, conforme coa disposición adicional do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, dos orzamentos xerais da Comunidade Autónoma para o exercicio 2006, e artigo 16 da Lei 9/2007, do 13 de xuño, de subvencións de Galicia.

h) Someterse ás actuacións de comprobación que deba efectuar o órgano concedente, ás de control financeiro que corresponden á Intervención Xeral do Concello de Ponteareas en relación coa subvención concedida, ás previstas na lexislación do Tribunal de Contas e do Consello de Contas e achegar canta información lles sexa requirida no exercicio das actuacións anteriores.

### Artigo 9. Xustificación e pagamento

1. Poderase realizar un primeiro pagamento do 80 % da contía da subvención concedida, en concepto de pagamento anticipado, que se fará efectivo unha vez realizada a notificación da subvención. O restante 20 % da contía da subvención aboarase unha vez que quede correctamente xustificado a execución dos investimentos.

2. As entidades beneficiarias terán de prazo para executar o proxecto subvencionado e presentar a correspondente xustificación dos investimentos realizados ata o 30 de novembro de 2020.

Para tales efectos, deberán achegar:

a) Memoria explicativa do investimento realizado e dos resultados obtidos, que inclúa una reportaxe fotográfica.

b) Conta xustificativa dos gastos no modelo do anexo III, na cal se relacionarán as facturas ou documentos con valor probatorio no tráfico mercantil e administrativo (identificarase o proveedor, o NIF, o número da factura, o concepto e o importe) ata completar a totalidade do orzamento que serviu de base á concesión.

Os gastos xustificadas deberán axustarse aos conceptos incluídos no orzamento



## Concello de Ponteareas

---

inicial, non se aboará máis que o importe xustificado co límite da subvención concedida.

c) Facturas orixinais, ou fotocopias compulsadas, conformadas polo presidente da agrupación veciñal, indicando o DNI. Deben achegarse facturas, como mínimo, polo importe da subvención concedida.

As facturas que se presenten como xustificación dos gastos realizados deberán detallar unidades e os prezos unitarios. De non vir correctamente tipificado o gasto as facturas non se admitirán a trámite, dando lugar á perda da subvención concedida.

d) Documento bancario acreditativo do pagamento das facturas presentadas. Non se admitirán pagamentos en efectivo.

e) Declaración complementaria do conxunto das axudas solicitadas ou concedidas, para a actuación subvencionada ao abeiro desta convocatoria, das distintas administracións públicas competentes ou doutros entes públicos, e o compromiso de comunicar de contado cantas axudas solicite e/ou obteña doutras administracións públicas ou doutros entes públicos ou privados, nacionais ou internacionais, a partir da data desta declaración segundo o modelo do anexo III.

f) Declaración asinada polo/a presidente/a da entidade de que se cumpriu a finalidade da subvención segundo o modelo do anexo III.

O aboamento da subvención practicaráselle directamente á agrupación na conta bancaria indicada por esta.

Transcorrido o prazo establecido neste artigo sen ter presentado a correspondente xustificación entenderase que a entidade renuncia á subvención.

### **Artigo 10. Modificación das resolución de concesión**

Toda alteración das condicións tidas en conta para a concesión da subvención e, en todo caso, a obtención concorrente doutras achegas fóra dos casos permitidos nas normas reguladoras poderán dar lugar á modificación da resolución de concesión, de acordo co artigo 17.4 da Lei 9/2007, do 13 de xuño, de subvencións de Galicia.

### **Artigo 11. Concorrenza de axudas e subvencións públicas**

Estas subvencións son compatibles coa percepción doutras subvencións, axuda, ingresos ou recursos para a mesma finalidade. Non obstante, o importe das subvencións en ningún caso poderá ser de tal contía que, illadamente ou en concorrente con outras subvencións, axudas, ingresos ou recursos supere o custo da actuación subvencionada.



## Concello de Ponteareas

---

### Artigo 12. Incumprimento de obrigas

No caso de incumprimento das obrigas establecidas no artigo 11 da Lei 9/2007, do 13 de xuño, de subvencións de Galicia e, en todo caso, nos supostos establecidos no artigo 33 da devandita lei, a entidade beneficiaria comprométese a reintegrar as cantidades percibidas, se as houber, xunto cos xuros de demora que deba aquela, segundo o procedemento establecido no artigo 38 da mesma norma legal.

### Artigo 13. Publicidade das subvencións concedidas

1. De conformidade co artigo 17 da Lei 1/2016, do 18 de xaneiro, de transparencia e bo goberno, e co artigo 15 da Lei 9/2007, do 13 de xuño, de subvencións de Galicia, O Concello de Ponteareas publicará na súa páxina web oficial a relación das persoas beneficiarias e o importe das axudas concedidas. Incluirá, igualmente, as referidas axudas e as sancións que, como consecuencia delas, puideren impoñerse nos correspondentes rexistros públicos, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

2. Por outra parte, de conformidade co previsto nos artigos 17.3.b) e 20.8.a) da Lei 38/2003, do 17 de novembro, xeral de subvencións, transmitirase á Base de datos nacional de subvencións a información e o texto da convocatoria para a súa publicación na citada base e o seu extracto no BOP de Pontevedra.

### Artigo 14. Protección de datos de carácter persoal

De conformidade coa Lei orgánica 15/1999, do 13 decembro, de protección de datos de carácter persoal, os datos persoais recollidos na tramitación desta disposición, cuxo tratamento e publicación autoricen as persoas interesadas mediante a presentación das solicitudes, serán incluídos nun ficheiro do Concello de Ponteareas, cuxo obxecto é xestionar o presente procedemento, así como para informar as persoas interesadas sobre o seu desenvolvemento.

O órgano responsable deste ficheiro é a Secretaría Xeral do Concello de Ponteareas

Os dereitos de acceso, rectificación, cancelación e oposición poderanse exercer ante Concello de Ponteareas, mediante o envío dunha comunicación ao seguinte enderezo:

Xardíns da Xiralda S/N, Ponteareas, 36860 – Pontevedra, ou a través dun correo electrónico a [info@ponteareas.es](mailto:info@ponteareas.es).

### Artigo 15. Modelos normalizados

Na presente convocatoriaponse a disposición das persoas interesadas unha serie de modelos normalizados para facilitar a realización de trámites administrativos despois



## Concello de Ponteareas

---

da presentación das solicitudes de inicio. Todos os trámites administrativos que as persoas interesadas deban realizar durante a tramitación deste procedemento deberán ser realizados electrónicamente.

### Artigo 16. Información relativa á convocatoria

Sobre este procedemento administrativo poderase obter documentación normalizada ou información adicional na Dirección Xeral de Administración Local, a través dos seguintes medios:

- a) Páxina web oficial do concello de Ponteareas (<http://http://concellodeponteareas.gal>).
- b) Nos teléfonos Telf: 986 64 00 00 / 986 64 00 01
- c) No enderezo electrónico: [info@ponteareas.es](mailto:info@ponteareas.es)

### Disposición derradeira

En todo o non previsto nesta convocatoria rexerá a normativa xeral en materia de subvencións contida na Lei 38/2003, do 17 de novembro, xeral de subvencións, e na Lei 9/2007, do 13 de xuño, de subvencións de Galicia, ademais do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia.

O Alcalde, Xosé Represas Giráldez  
(Documento asinado electronicamente)



## Concello de Ponteareas

### ANEXO I- SOLICITUDE DE SUBVENCIÓN

#### BASES REGULADORAS DE SUBVENCIÓNS PARA INVESTIMENTOS DESTINADA A COLECTIVOS DE INTERESE VECIÑAL DO CONCELLO DE PONTEAREAS. ANO 2020

Nome e apelidos da persoa que presenta a solicitude :

D./D<sup>a</sup> \_\_\_\_\_ NIF \_\_\_\_\_

Enderezo \_\_\_\_\_ Municipio \_\_\_\_\_

Tfno. ou n<sup>o</sup> móbil \_\_\_\_\_ Enderezo electrónico \_\_\_\_\_

Cargo directivo na Asociación \_\_\_\_\_

Actuando en representación de (datos da entidade solicitante):

Nome da Asociación \_\_\_\_\_ CIF \_\_\_\_\_

Enderezo \_\_\_\_\_ Municipio \_\_\_\_\_

N.º de Rexistro da Asociación \_\_\_\_\_ N.º de asociados (a 1/1/2020) \_\_\_\_\_

Secretario/a: \_\_\_\_\_

Enderezo electrónico. \_\_\_\_\_

Tendo coñecemento da liña de axudas convocada polo Concello de Ponteareas dirixidas a colectivos de interese veciñal do Concello de Ponteareas no 2020

**SOLICITO** ao abeiro da mesma a concesión da axuda para a realización do investimento, aceptando as bases desta convocatoria en todos os seus termos.

Xunto con este anexo, o solicitante achega:

- Copia da tarxeta do CIF de identidade e dos seus Estatutos cotexados (adaptados á Lei orgánica 1/2002, do 22 de marzo.)
- Copia do documento que acredite a representación do solicitante
- Certificación bancaria da conta na que teña que efectuarse o ingreso da subvención
- Memoria explicativa detallando o investimento a realizar e o seu Orzamento

Ponteareas, \_\_\_\_\_ de \_\_\_\_\_ de 20 \_\_\_\_\_

Sinatura do/da representante da entidade

**A CONCELLEIRA DE VÍAS, OBRAS E ALUMEADO DO CONCELLO DE PONTEAREAS**

**ANEXO II- DECLARACIÓN RESPONSABLE DO/A SOLICITANTE**

Concello de Ponteareas

Xardíns da Xiralda s/n, Ponteareas. 36860 (Pontevedra). Tfno. 986640000. Fax: 986660647



## Concello de Ponteareas

### BASES REGULADORAS DE SUBVENCIONS PARA INVESTIMENTOS DESTINADA A COLECTIVOS DE INTERESE VECIÑAL DO CONCELLO DE PONTEAREAS. ANO 2020

Nome e apelidos da persoa que presenta a solicitude \_\_\_\_\_

D./D<sup>a</sup> \_\_\_\_\_ NIF \_\_\_\_\_

Enderezo \_\_\_\_\_ Municipio \_\_\_\_\_

Tfno. ou n<sup>o</sup> m3bil \_\_\_\_\_ Enderezo electr3nico \_\_\_\_\_

Actuando en representaci3n de (datos da entidade solicitante):

Nome da asociaci3n \_\_\_\_\_ CIF \_\_\_\_\_

Aos efectos do previsto no artigos 58 da Lei 39/2015, do 1 de outubro, do procedemento administrativo com3n das administraci3ns p3blicas, do artigo 13 da Lei 38/2003, de 17 de novembro, xeral de subvenci3ns, e do artigo 24 do Real decreto 887/06, de 21 de xullo, polo que se aproba o regulamento da lei xeral de subvenci3ns.

En relaci3n ao proxecto para o que se ten solicitado unha axuda do Concello de Ponteareas ao abeiro da convocatoria sinalada no encabezamento deste documento, formulo a seguinte

#### DECLARACI3N RESPONSABLE:

Que a entidade representada por min est3 ao corrente das s3as obrigas tributarias e coa Seguridade Social, e non est3 incurso en ningunha outra causa que sup3n ou poida sup3ner obst3culo legal para o seu acceso 3 condici3n de beneficiaria dunha achega ao abeiro da presente convocatoria, compromet3ndose a manter esta situaci3n ate a completa resoluci3n do expediente.

Que nin eu nin a entidade por min representada estamos incurso en ningunha circunstancia que impida o acceso 3 condici3n de beneficiario dunha achega p3blica.

Que non obstante o anterior, autorizo ao Concello de Ponteareas para comprobar a veracidade da anterior declaraci3n tanto na Axencia Estatal da Administraci3n Tributaria, na Axencia Tributaria Galega e na Tesourer3a Xeral da Seguridade Social.

Que a entidade representada por min se somete 3s actuaci3ns de comprobaci3n e 3 achega da documentaci3n que o Concello de Ponteareas poida acordar para comprobar que as actuaci3ns 3s que se dedica a subvenci3n, no caso de ser concedida, se corresponden cos fins para os que se solicita.

Que a entidade que represento SI / NON solicitou subvenci3ns para a mesma finalidade. Compromet3ndome a comunicar de contado ao concello de Ponteareas a percepci3n de calquera outra axuda ou subvenci3n para o mesmo fin.

Que a entidade que represento disp3n das autorizaci3ns sectorais necesarias para realizar as obra:

Administraci3n:	Autorizaci3n:

Que a entidade que represento se compromete a facer constar a colaboraci3n do Concello de Ponteareas en toda a informaci3n que realice do desenvolvemento das actividades

Que todos os datos contidos nesta solicitude e nos documentos que se achegan son certos

Que compromet3monos a utilizaci3n da lingua galega en todas as relaci3ns coa Administraci3n, as3 como ao seu uso nas acci3ns subvencionables.

Ponteareas, \_\_\_\_\_ de \_\_\_\_\_ de 20\_\_\_\_

Sinatura do/da representante da entidade

### ANEXO III - CONTA XUSTIFICATIVA

Concello de Ponteareas

Xard3ns da Xiralda s/n, Ponteareas. 36860 (Pontevedra). Tfno. 986640000. Fax: 986660647



## Concello de Ponteareas

### BASES REGULADORAS DE SUBVENCIONS PARA INVESTIMENTOS DESTINADA A COLECTIVOS DE INTERESE VECIÑAL DO CONCELLO DE PONTEAREAS. ANO 2020

Nome e apelidos da persoa que presenta a declaración :

D./D<sup>a</sup> \_\_\_\_\_ NIF \_\_\_\_\_

Enderezo \_\_\_\_\_ Municipio \_\_\_\_\_

Tfno. ou n<sup>o</sup> móbil \_\_\_\_\_ Enderezo electrónico \_\_\_\_\_

Actuando en representación de (datos da entidade solicitante):

Nome da Asociación \_\_\_\_\_ CIF \_\_\_\_\_

#### DECLARO:

Que foron efectuadas as actividades financiadas coa achega concedida polo Concello de Ponteareas para as subvencions dirixidas a colectivos de interese veciñal no ano 2020, ao abeiro da presente convocatoria, e que se acadaron os obxectivos propostos.

Que, para as actividades subvencionadas, a relación de gastos e ingresos da entidade por min representada é a que se reproduce a continuación:

#### GASTOS EFECTUADOS

Expedidor da factura (con CIF)	N.º de factura	Data de expedición	Concepto	Importe
TOTAL GASTOS				

#### OUTROS INGRESOS QUE FINANCIARON A ACTIVIDADE

Administración outorgante	Importe

Ponteareas, \_\_\_\_\_ de \_\_\_\_\_ de 20\_\_\_\_

Sinatura do/da representante da entidade.

#### ANEXO IV – CERTIFICACIÓN DO ÓRGANO COMPETENTE QUE APROBA

Concello de Ponteareas

Xardíns da Xiralda s/n, Ponteareas. 36860 (Pontevedra). Tfno. 986640000. Fax: 986660647





## Concello de Ponteareas

### PARTICIPAR NA PRESENTE CONVOCATORIA

### BASES REGULADORAS DE SUBVENCIÓNS PARA INVESTIMENTOS DESTINADA A COLECTIVOS DE INTERESE VECIÑAL DO CONCELLO DE PONTEAREAS. ANO 2020

Nome e apelidos da persoa que presenta a certificación :

D./D<sup>a</sup> \_\_\_\_\_ NIF \_\_\_\_\_

Enderezo \_\_\_\_\_ Municipio \_\_\_\_\_

Tfno. ou nº móbil \_\_\_\_\_ Enderezo electrónico \_\_\_\_\_

Actuando en representación de (datos da entidade solicitante):

Nome da Asociación \_\_\_\_\_ CIF \_\_\_\_\_

Cargo na entidade: \_\_\_\_\_

#### **CERTIFICO:**

Que esta entidade, mediante \_\_\_\_\_ acordo do/da \_\_\_\_\_ (presidencia/xunta directiva/asamblea xeral/outros) do \_\_\_\_\_ (data) , acordou solicitar a subvención dirixida ás entidades veciñais do concello de ponteareas para o ano 2020 de acordo coas bases reguladoras e convocatoria, en réxime de concorrència competitiva:

co proxecto denominado: \_\_\_\_\_

cun orzamento total de \_\_\_\_\_ € (IVE incluído), e designou como persoa

representante a \_\_\_\_\_ , en

calidade de \_\_\_\_\_ (presidente/a, secretario/a/outros).

Ponteareas, \_\_\_\_\_ de \_\_\_\_\_ de 20\_\_\_\_

Sinatura do/da que certifica.

Concello de Ponteareas

Xardíns da Xiralda s/n, Ponteareas. 36860 (Pontevedra). Tfno. 986640000. Fax: 986660647

